

魏叔子文集外篇

序

吾友魏叔子與子年譜十一歲爲時文補弟子員
冠其曹長而名公鉅卿年五六十者咸以等輩禮之
或所執贄受業師逡巡退讓稱先生而不字子意叔
子及壯年時已舉名進士立朝廷上侃侃然發其所
學爲世名臣乃甲申乙酉來自以病放廢山中盡棄
去其時文爲古文辭而其所自脩立與設施之方皆
不獲用嗚呼其爲文益工而其志益可悲也已叔子

生平于吾易堂中爲古文者最服膺其姊壻丘邦士
凡有作必相與論定邦士雅愛歐陽文忠叔子愛蘇
明允故其文特雄健而又不肯學古人專家步趨其
形容摹其聲咳往往好出高論奇識凌厲古人及壬
癸以來則多和平嗚咽往復而不盡又幾幾于歐陽
文忠所爲然其精悍之氣逼出于眉宇不可得而馴
伏也予往讀洪永以來之文自宋文憲以下其最著
如歸震川茅鹿門唐荊川諸先輩正足與古人相上

下然平緩時弱之調往往而有則豈以國家八股取士有以靡其氣而柔習其心乎叔子當工八股時輒厭惡之陋其體製著制科策三篇欲廢之而易以策論故其八股多闕肆奇偉浩汗之文而乙酉丙戌所作書疏則出入賈長沙李忠定間余于叔子少一歲兄事之生平爲詩文卑辭隻字雖千里外必就正叔子而叔子以古義相督責余有過失每發聲徵色詆呵之如嚴師之于童子其或數往相見塞墨不交一

語則自十三四歲時已然矣子十年來以衣食走四方不得與叔子朝夕講業叔子學問文章如是而子鹿鹿無一有所成就是可悲也今其兄子世傑編次其文集付諸梓人請子爲之評點子則何敢讓因爲采諸家評論次第折衷以附其文叔子又自言吾于史漢叙事法未能得其要領而最好左氏間發其微言大義成左傳經世一書余從遠方歸每出示數則怵然如震雷暴起于左方驚魂動魄旣而繹思則又

如飢得食如寒得衣心安而體順始嘆此書蓋自有
左氏數千餘年之所絕無而僅有者也叔子兄善伯
弟和公皆與予爲兄弟交並著詩文集若干卷予亦
欲得序而出之時甲辰立秋日易堂友弟曾燦撰

魏冰叔集序

往者吾與魏冰叔同守一代之制首攻四書義是時
吾二人各以才智以相取要其所尚最爲獨異蓋吾
意每欲追述孔曾思孟之旨至于一毛一髮一咳一
唾時所務肖冰叔則求其意議廣博必推發其所未
始有是以于當世議論風發之文滌瑕研精鉤抉無
遺其先正鉅公亦頗遭厭棄焉顧予則每過經義上
及于洪永又搜覽諸子史漢唐宋大家及他雜藝之

文私竊謂文惟經義中可以無所不盡蓋所以變易
秦漢以來諸文之面貌而化糟粕以爲其神且奇也
是故吾與冰叔時爲古雜文而冰叔第取足道其意
而已未嘗翦攻之其子之用心于古文者又凡以爲
經義也經義工而古文詞則以其餘力以及之其後
俱休廢窮山中冰叔乃漸肆力于古文以極陳其中
所欲發而無所爲發者冰叔于是能自剗除其議論
之繁博而其精杰益乃出矣自冰叔益務爲古文則

無不使予論較之冰叔之文既精強于事理操術甚切而篤於情暢于其勢明于辨吾嘗謂之鼃家令趙營平豈執簡漆爲文者哉且出師表前後二篇上高宗封事一篇雖武侯澹菴不更有他文類是者也故冰叔之文有不必爲文而文則益勝焉者也吾庶幾望之矣然而冰叔執其文教授山中則又其情日淡其氣日和以出而遊江達淮徑吳越以反其示予文烟波鳴咽一唱而三歎蓋旣又非吾之所望者何也

序二

初冰叔之力爲古文也豈不嘗曰吾不求文之工吾求文不至于湮沒吾之論而已而何以工爲冰叔不求工于文如是嗚咽唱嘆其工于文然則其文蓋自又有工者可知也吾昔望冰叔之文如彼冰叔今於文如此吾視冰叔其今之文如彼矣吾又安知冰叔文不後之如此耶吾其望之矣篤也暢也明也精強而切也其文勝也不必爲文而文勝也未可知也韓退之于東野李翱張籍之鳴於詩則歸之于天矣吾

于冰叔之文亦如此焉

易堂友兄丘維屏撰

自敘

余自幼讀書長受教于大人君子遑遑以不及古人爲恨生平爲文又不喜學古人一家據吾之所然者畫欣言之使無遁理而已天不以人之喜怒而變其風雨君子不以人之愛憎巧其辭吾之言善天下從而見之吾之言不善天下亦從而見之適吾之意而天下洞然于吾心吾何求耶余治四子之文有暇閒爲雜體或觸于事會之所遭率爾抒其胸臆積歲所得不覺遂多于是以丁亥休夏之月類而秩之各標

數言于首名曰外篇易堂魏唐共

凡例

一古人文集不加批點然有一經批點則文之精神要領逼出紙上或如頰上三毛象外傳神因取諸名家評點於詩文相發明者酌錄之

一家叔父詩文好人彈射又每自刮磨客游諸作皆主人代爲流布朝脫於手暮登於木或先削板以待草成後有改定輒就板剗削行墨多空不能更費梓人也

一諸文隨時續刻年歲先後都無次序

一目錄三卷詩八卷已刻版另行

一叔父著作最衆貧無工貲今先刻若干草草竣事
請政海內諸散文藏笥中者尚數百篇新作百首
俟之二刻

一叔父著有尚書餘一卷左傳經世鈔十卷擬奏疏
一卷內篇二卷俱嗣刻

一卷以體分有多近百翻少十翻者未能均稱

諸子世傑敬識

魏叔子文集外篇總目

第一卷

論

第二卷

論

第三卷

策

第四卷

議

第五卷

書

第六卷

書

第七卷

手簡

第八卷

敘

第九卷

敘

第十卷

敘

第十一卷

敘

第十二卷

題

跋

第十三卷

書後

第十四卷

文

第十五卷

說

第十六卷

記

第十七卷

傳

第十八卷

墓表誌銘

第十九卷

雜問

第二十卷

四六

第二十一卷

賦

第二十二卷

雜著

論引

論議也言之不足則議之博辨肆志而得其說是故
孔子曰辭達而已辭達使明也僅以使明則不可明
故曰論精微而朗暢雖狀此猶夫一端之論余往治
制藝不喜規矩先輩獨思以其說明古人之義制體
不同浸淫乎論策矣嗚呼論策制科此余之志也夫

魏禧自識

續論跋

士君子之處世也當其治則事功多而言語少及其衰則事功少而言語多豈好爲異哉仲尼曰杞諸空言不如見之行事之深切著明也太史公曰自周公卒五百歲而有孔子孔子卒後于今五百歲有能紹明世正易傳繼春秋本詩書禮樂之際小子何敢讓焉然則言語者士君子不得志之事功也士生千百世後明聖不作言人人殊無論淺見寡聞者不足與言卽博雅之流卓然自命爲君子者亦每行其私意

持論不根如丘文莊濬于南渡事取賊檜而非武穆
是遵何說哉魏叔子天資高邁好學不倦經子百家
之書無不貫穿而尤長于論史往刻史論二卷近又
著續論十篇自兩漢至五代歷金言開剗則規模宏
遠論進取則經權互用于尉佗孫恩王審知詳察其
勢于劉智遠洞見其情究諸史之未發而不爲放言
高論以駭世所謂有用書生者非耶嗟乎叔子不得
使見之行事遡跡山岩發憤而爲言豈惟叔子之不
幸可慨也著書多家貧不能自梓嘗懼放失晉人王

半哭年少有志子學讀叔子之文而高其人代刻十
論以倡同志長卿未嘗著書有則時時爲人取去其
信然哉丁巳立秋日涇陽同學弟楊敏芳跋

魏叔子文集外篇目

第一卷

相臣論

伊尹論

正統論上

正統論中

正統論下

兩漢論

留侯論

陳勝論

晁錯論

尉佗論

雋不疑論

漢中王稱帝論

阮籍論

高允論

唐太宗平內難論

續縱囚論

唐肅宗靈武卽位論

劉知遠論

宋論上

宋論下

太平興國論

蔡京論

蘓雲卿論

趙鼎張浚陳俊卿虞允文論

續續朋黨論

平論一

平論二

平論三

平論四

地獄論上

地獄論中

地獄論下

地獄補遺論

觀叔子文集外篇卷之一

論

寧都魏禧冰叔著 諸子世傑與士編次

○○相臣論

秦誓稱休休有容孔子戒驕吝此特爲有才者言之也相臣不可無才猶人不可無五穀彼恃材驕妬是貪食過飽而病且死者耳後世悞讀二書遂成庸相絕大模本國朝雖廢丞相然入閣辦事其權不輕獨怪後來專以

科目資格限人拜相必繇翰林不習民情吏
事最可笑者舒行緩步輕咳微聲以養相度
竟同木偶兒戲每讀國史清謹忠直者不乏
人而才畧遜前代遠甚至相業尤卑鄙矣
論相首推三楊按其行事方之古人爲何如
也甲申二月自記

相○臣○者○天○子○之○下○一○人○而○已○相○臣○賢○則○可○使○天○子○之○
不○賢○者○從○而○之○賢○相○臣○不○賢○則○天○子○雖○有○彌○精○圖○治○
之○心○其○力○能○抑○塞○之○于○上○而○其○黨○援○足○盤○踞○扞○格○于○

其下。且夫居官守職奉法無罪。百執事之賢也。天下治安之日。攝然無事。恒有大難大疑出。耳目智慮之外。此二三小臣所不及知。知之而不敢言。言之而不能斷然行之。以豫天下之患而定其變。此其事不得不責望于相臣。天地之所不得爲。則君爲之。君之所不得爲。則其相爲之。相臣上參天子之柄。下可以達百執事國家之利害。苟迫于所不得已。則雖逆天子之法。犯羣臣之怨。冒天下之大不韙。必且毅然爲之。而有所不敢避。姚崇以十事要玄宗。僞命之議不行。

而李忠定免冠求去蓋不如是則不可以爲相也。昔者漢丞相權最重當時賢人所以自效猶爲近古。曹參繼鄴侯之後國之大事不舉者不可勝數而日飲醉無所事事此謂之庸相可也。宋之名賢動稱法祖積漸至于衰弱而莫之振安石以紛更壞天下終宋之世不敢復言變法則因循以須亂亡而已矣。孔子曰如有周公之才之美使驕且吝其餘不足觀也已。世之有才者輒以伎求剛愎自敗此聖人所以重之惜之。鈇鋸之善全其美使天下後世誠有周公者。

皆得而見其才也。洪武中懲胡惟庸之亂遂削宰相之官。然人才庸下視宋加甚。李賢、張居正其才足任。乃又以驕客失之。嗚呼！此三百年之所以無相業也。

楊一水老師曰：從來名相各有一段驚天動地事業，不相雷同。處自舜禹至韓范之徒，莫不皆然。細觀古今聖賢行事，方知叔子此論平實中正，非好爲激昂也。至其偉氣昌言，尤足相副。

○○○伊尹論

嘗讀孟子湯之于伊尹學焉而後臣又言伊尹就湯而說之以伐夏救民是則伐夏皆伊尹意也竊疑其語爲過及讀商書而知伐夏之舉果出于尹之獨斷無疑也今夫人臣之放伐其天子者自古以來所未嘗有唯后羿距太康逐相爲不臣羿因民之不忍而距太康湯以救民伐桀其跡與羿無異夫以湯而行羿之事爲自古聖賢之所不爲湯雖躬聖人之德無富天下之心有危疑而不敢輒發者矣使非有任如

伊尹者。灼然于天命。人心之故。犯天下之大。不避。不以芥蒂。其心變易。千古君臣之義。而無慚于堯舜。以別嫌疑。定猶豫。主持其內。而輔翼其外。亦安能斷然出此也哉。蓋昔者湯嘗自言之矣。曰。肆台小子。將天命。明威不敢赦。敢用玄牡。敢昭告于上天神后。請罪有夏。聿求元聖。與之戮力。以與爾有衆。請命。昔者伊尹又嘗自言之矣。曰。惟尹躬暨湯。咸有一德。克享天心。受天明命。以有九有之師。爰革夏正。當是時。湯之學而後。臣與伐夏之出于尹也。蓋亦明矣。嘗觀古今

第云却開一步是一篇立論本意

國家危疑之際非常之舉身當其任者既已內斷于心則必求夫強力明決敢犯衆議者挺身以發其難然後大事可濟未有恃一人之力以成事亦未有臨事倉卒而能得人者霍光議廢昌邑王群臣驚鄂失色莫敢發言田延年離席按劍以大義責光而脅群臣然後議者皆叩頭聽令若延年者蓋亦光之伊尹也光能法湯之用伊尹不能法尹以寵利居成功爲戒至詐增僦直之罪獨忍于延年而毒后之罪不忍于顯後世伊霍並稱而君子鄙之有以哉

弟和公曰古今大議論是獨見獨得力處具
見本領學術所在○洗發剴切老到而思力
彊烈令讀者目精驚悍不敢暫瞬

李咸齋曰只是看透一任字便發出如許創
論後半文字與前若不相干却愈洗愈緊

○○正統論上

古今正統之論紛紜而不失其說之近是者有三歐陽修蘇軾鄭思肖是也歐陽子之說曰正統有時而絕故曰正統之序自唐虞三代歷秦漢而絕晉得之又絕隋唐得之又絕蘇氏之說曰正統之爲言猶曰有天下云爾無其實而得其名者聖人亦以名與之名輕而後實重故曰正統聽其自得者十曰堯舜夏商周秦漢晉隋唐序其可得者以存故曰魏梁後唐晉漢周鄭氏之說曰以正得國則篡之者爲違不以

正得國則奪之者爲非逆故曰正統三皇五帝三王
東西蜀漢宋而已三者之說皆近于理而鄭氏爲尤
正然各有其偏見不可以不辨也辨其非則是者出
矣天下不能一日無君故正統有時絕而統無絕絕
其統則彼天下將何屬乎而其于西晉而不與東晉
等後唐後漢于朱梁石晉尤爲非是此歐陽子之蔽
也偏安之主篡竊之人吾予之以正統彼正統者孰
肯與之蘇氏曰猶夫大夫士與民也而或爲盜勢不
得不與之偕坐夫吾非有誅賞進退之權則隱忍而

偕坐固其勢也。旁觀之君子則必別其爲盜而不肖
之大夫士與民。且以爲舉天下而授之。魏晉漢魏之
過與之統者何罪。猶舅以妾爲妻而婦奈何不以爲
姑。則大不然矣。生于篡君之子孫親爲其臣子。謂之
姑可也。然君子有微辭焉。春秋于桓公元年書春王
正月於三年書春正月之義是也。至于後世之公諸
則是人以妾爲妻而國人則妾之耳。使當時之名一
定而後不可更。則公議無權。亂臣賊子不畏身後之
誅。以爲吾固可與二帝三王儼狀而並列也。孔子之

春秋可無作矣。故以爲歐陽子重與之而吾輕與之者。此蘇氏之蔽也。鄭氏身當宋亡發憤于心史。雖元魏之修禮樂興制度。亦所不取其尊宋之極。至于黜唐夫以爲不正而得國。則陳橋之變與隋禪唐何異。而唐除隋暴尤正于宋之取周。故以爲三皇五帝三王漢宋者。忠臣之心。義士之見。非古今之公論。此鄭氏之蔽也。然則正統之說惡乎定。魏子曰。古今之統有三別。其三統而正統之說全矣。曰正統曰偏統曰竊統。正統者以聖人得天下德不及聖人而得之。不

至于甚不正功加天下者亦與焉偏統者不能使天下歸于一統則擇其非篡弑居中國而疆大者屬焉竊統者身弑其君而篡其位縱能一統乎天下終不與之以正統而著之曰竊統是故因其實而歸之以其名者正統也唐虞夏商周西漢東漢蜀漢東晉唐南宋是也正統絕而其子孫無足以繫天下之望而後歸之偏統後唐後漢是也天下之偏統雖亂賊國已正乎其爲天子有天下則不得不歸之竊統秦魏西晉宋齊梁陳隋後梁後晉後周北宋是也吾幾折

衷歐陽子正統有時絕鄭氏纂正爲逆奪不正非逆
之說以明三統三統明然後天下之統不絕偏安之
主篡弑之人亦終不得以干正統而正統之論定矣
丘邦士曰議論筆力十分強健直開直下不
用一些波瀾頓挫最是氷叔本色絕佳處
宋未有曰折衷三家之說而別爲三統義正
例全允爲定論

王山長曰格力在兩漢之間

○○○正統論中

或問以東晉興復爲正統是矣元帝爲牛氏子非司馬子孫也曰秦政以呂易嬴未嘗有絕之於秦者而獨絕元於晉乎且元帝與始皇尤不同不韋初進孕婦後亂太后始終事迹鑿然可據牛氏之通出於賧昧庸或有污蔑以快私怨者故尋常閨門君子所不道況執此莫須有之事而絕人之宗削人之國哉是非良史之法矣自記

秦何以不爲正統也。歐陽子曰：諸侯共起而弱周，非獨秦之暴也。且夫周棄豐鎬，以賜襄公；赧王稽首獻邑，自歸于秦。秦雖有滅周之罪，亦與後世之弑君篡國者異矣。秦何以不爲正統也？魏子曰：諸侯不敢滅周，而秦卒滅周，周無幽厲之罪，而秦有桀紂之惡，取之以詐力，守之以殘暴，惡在其爲正統也。唐高祖廢鄭鄴國公，與晉武廢陳留王，隋文廢介公，宋太祖廢鄭王，同一篡也，何以不爲竊統？魏子曰：陳留介公，鄭王初無罪，不足以失天下。其臣又皆以助賊居中用事。

爲先君所依托。一旦欺人孤寡而攘奪之。故雖晉武
隋文成混一之業。息南北之兵。宋太祖禪受之後。奉
其故君與子孫無失禮。深仁厚德。浹數百年。而其得
國之不正。終不可以貫。隋之淫虐。過于桀紂。李氏興
兵而誅湯武之業也。而惜乎其立侑而禪之以湯武。
始而以莽操終謀之不善。非其本志。固不可以爲篡。
混一之功。比晉隋而仁恩之在天下者。等宋祖。故予
之也。後唐後漢何以不爲竊統也。朱溫滅唐而李存
勗帝鄴。契丹滅晉而劉智遠帝晉。陽歐陽子曰。李氏

朱氏共起窺唐而梁先得之李氏因之者非也克用
忠唐志在滅梁存勗後雖自帝始未嘗不欲承父志
而報國仇故欲並之于梁者非也歐陽子曰劉智遠
始不與契丹戰以幸其敗後不能奉從益以存晉與
梁晉無異夫滅梁不自帝與奉從益以存晉此聖賢
之用心忠臣之盛節而可責諸五代之君乎今夫責
人以聖賢爲忠臣不得而遽同之于亂賊此學者欲
苟成其說而文致之非天下之公論故歐陽子之說
不可訓也東晉統承西晉南宋統承北宋何以祖宗

之一統者爲竊而子孫僅有天下之半得爲正也曰
晉宋之君天下天下奉爲共主久矣雖其始不正前
後相承而元帝高宗常滅亡之餘有特起之勢又以
子孫復其祖業義不得不進之于正統楚子偁王滅
諸姬罪在不赦至昭王失國而復之則聖人有取焉
歐陽子之黜東晉亦不可訓也且夫義得爲正統者
其子孫雖甚微弱不可不存以爲正故三十六邑一
日未獻不可不書周禪宋之筆一日未操不可不書
晉崖山之舟一日未覆不可不書宋奈何旣以正統

予西晉而其子孫尚有天下之半者乃以偏安斥乎
革姓受命之事非天心所欲勢也君子必不得已而
後絕其統所以不傷忠臣孝子之心仁人之志也吾
故曰正統絕而後歸之偏統偏統絕而後歸之竊統
也

門人涂尚書曰正統之義古今實如聚訟章
氏王統霸統之分似矣然予正統者未必可
進于王非正統者弊又不止于霸蘇氏雖辨
其非而無以服之也吾師立三統之說而萬

世之論定矣篇中疏別疑義足令觀者曉然
至于退晉宋而進元高尤深得春秋之旨非
尋常考古論世之文也

○○正統論下

所謂括其大畧者如載秦始皇阿房宮事則云始皇以先王宮庭小乃營作阿房宮渭南上林苑中廣袤三百餘里殿閣臺榭窮極奢麗役作數十萬人死者亡算如載宋子業齊東昏殺人事則云以非刑殺人亡算慘毒所施求死不得如載隋煬帝荒淫諸事則每一事書曰某事費財幾何殺人幾何民失業幾何激變幾何不妨極言其甚而規制節目可

以娛心志爲做法者則沒而不書齊主高緯問南陽王綽曰在州何以爲樂綽以薑盆對緯卽日命捕蟲蝎殺人以取歡笑曰如此樂事何不馳驛奏聞夫哀號慘痛有何可娛而命爲樂事然緯性雖兇惡使不聞緯言則薑盆一事亦亡由作後世暴君豈無見此等于史冊而欲倣行者至淫樂奢侈之具則中主亦不免見獵心喜矣自識

魏子曰吾于竊統其書法猶有說焉鄭氏之言曰史

纂弑之君所稱某祖某帝及朕詔封禪郊祀太子后
諸禮宜書曰某名僭行某事魏子曰讀史者其知懼
乎然是道也施于始纂之君其子孫則不加焉夫身
纂弑者雖爲天下君終不貲其實罪而予之美名子
孫襲成業而安不可以重誅也故纂國子孫其臣有
能服義死節者則君子必以爲忠是故貶削其身所
以正古今之名寬其子孫所以存天下之實名實得
而史法立矣嚴三才以下單論書法與正統無涉文格雖然吾猶有說焉作史者多務博而徵
信極古務博則不諱不經之言徵信則盡當時之實事故

凡人君之奢淫殘暴必詳書于冊爲後世鑒而不知夫不肖者之見而適中其欲也則且或倣而行之詩曰毋教猷升木楊子曰勸百而懲一而獨何取焉昔唐太宗元夜大張燈火以問隋蕭后曰煬帝時亦如此乎蕭后盛述當時華侈百倍太宗太宗蓋口刺其奢而心服其盛也夫心服其盛雖賢君猶不免是而况于不肖者乎吾則以爲史凡宮室田獵聲色奇技淫巧非刑酷殺之事記載詳悉者盡刪除其文而括其大畧足知致亂之故而已至于生民愁苦怨詛天

災人禍盜賊危亡之狀則極書之以顯示于冊使後
之人主荒淫可喜之形慘毒快意之具無所接于其
目而愀然生其危懼宋真宗時陳恕久領三司嘗命
條具中外錢谷以聞恕久不進屢詔趣之恕對曰陛
下富于春秋若知府庫克實恐生侈心是以不敢李
沆爲相日取四方水旱盜賊奏之以爲人主少年當
使知四方艱難不厭血氣方剛不留意于聲色犬馬
則土木甲兵禱祀之事作矣古之大臣防微杜漸以
謹人主之耳目而絕其萌孽道蓋如此余予司馬氏

連口

通鑑常欲以竊統之法改書之刪除其文足眩世主
之心者有志而未逮也夫正統定書法明史其幾于
道矣

門人楊復晟日上篇統引三家之說而辨蘇
氏處最詳中篇單辨歐陽之說下篇又以餘
意發明鄭氏之說分合詳畧之法井井可觀
門人涂尚律曰或云纂君書法不同考于春
秋桓宣無異辭則鄭氏非通論也不知孔聖
親爲桓宣臣子魯之敗執且諱况斥其大惡

乎且春秋之法貴通其意聖人于定哀多微辭而後世史官貴直筆魏孝文曰人主威權在已無能制者若史冊不復書其惡何所畏忌况以異代而書前君豈得執諱國惡之義以相非乎獨如宋太祖者其得國雖不得不以篡書而深仁厚德實爲後世賢主郊祀詔勅之類亦豈得同于王莽朱溫議功議賢春秋之法如趙盾雖冒弑君聖人必不夷之華督慶父之列明矣要之三統言其大綱至于

纂而不弑與纂而弑者救其敗而纂與毀其
成而纂者情罪互有輕重此又作史者所當
通其義例也

○○○留侯論

忠臣以興復爲急。雖殺身殃民而無悔。仁人以救民爲重。故通權達節以擇主。子房始終之節。皎然明白。忠臣仁人兼而有之。奈何後世獨以智謀見推也。古今草昧之際。奇才志士得一失一。自非根本忠孝之性。達于天地之心。其能爲三代以下之完人乎。因作此論而附識之。癸卯自記。

客問魏子曰。或曰子房弟死不葬。以求報韓。旣擊始

羽云料入
四制處不
迴數言而
當日天下

皇博浪沙中終輔漢滅秦似矣韓王成既殺酈生說
漢立六國後而子房沮之何也故以爲子房忠韓者
非也魏子曰噫是烏足知子房哉人有力能爲人報
父讎者其于父事之而助之以滅其讎豈得爲非牽
子哉子房知韓不能以必興也則報韓之讎而已矣
天下之能報韓讎者莫如漢漢既滅秦而羽殺韓王
是子房之讎昔在秦而今又在楚也六國立則漢不
興漢不興則楚不滅楚不滅則六國終滅于楚夫立
六國損于漢無益于韓不立六國則漢可興楚可滅

古今達觀
一部廿一
是如此看
方有用

如此義始
可讀孔子

而韓之辭以報故子房之志決矣子房之說項梁立
橫陽君也意固亦欲得韓之主而事之然韓卒以夷
滅韓之爲國與漢之爲天子子房辨之明矣范增以
沛公存天子氣勸羽急擊之非不忠于所事而人或
笑以爲愚且夫天下公器非一人一姓之私也天爲
民而立君故能救生民于水火則天以爲子而天下
戴之以爲父子房欲遂其報韓之志而得能定天下
禍亂之君故漢必不可以不輔夫孟子學孔子者也
孔子尊周而孟子游說列國惓惓於齊梁之君教之

之春秋不
統于康侯
之章句

以王夫孟子豈不欲周之子孫王天下而朝諸侯周
卒不能而天下之生民不可以不救天生子房以爲
天下也顧欲責子房以匹夫之謀爲范增之所爲乎
亦已過矣

丘邦士曰本欲發留侯當輔漢須將輔漢與
報韓說得關係則輔漢一段大議可儘意放
論矣此文字中關鍵處

彭躬庵曰不守節決不能達節不達節亦不
能守節此間有毫釐千里之異非印板天理

模稜人情者可得借口

溫伯芳曰爲韓報讎史記四字寫得子房心事明白原非爲必立韓後也其勸立韓王成者亦事項時事耳則知子房待漢之心不等于待項之心矣其文尤似子由古史論

陳元孝曰深識偉論關係古今大義大計非獨留侯知己也議論高出子瞻而筆力正足相敵

○○○陳勝論

古今發天下之大難。成天下之大功者。必有人爲之謀。主謀主立。而羣才有所憑。轅而進。自商周之初。下至秦漢之際。五胡十國。分崩割據。莫不皆然。陳勝起戍卒。首發大難。除秦之暴。其功當王天下。然不久敗。亡者。恃甲兵之衆。攻城畧地之易。不知求賢以自輔。而無謀主。故也。天下無時不生才。世亂才益多。然用之。各有其時。所宜司馬德操曰。儒生俗吏。不識時務。吾嘗以爲豪傑。犯難特起。與人臣當國家之變。轉敗。

本欲抑揚
武臣却先
將數輩掃
却方是極
公平的確
之論使人
心服

而爲功。其人才不足用者。蓋數輩文章名譽之人。浮
言無實。肉食之家。科名之士。多鄙夫遺老舊臣。守常
理拘常格。而不知變。高節篤行者。堅僻迂疎。遺忽世
務。不切于用。故草創顛危之際。率多右職。功尊武臣。
且夫攻城畧地以取天下。此固兵強馬壯者之事。然
天下之勢。攻取有先後。激勵各義。有機立國之遠。且
大者有規模。求賢有道。而得民心。存術此則非武臣
之所能及也。唯明主知其然。故封賞必先武臣。而漢
謀大計。則必求天下之俊傑。以爲謀主。辟猶運車者。

之必衷其軸而使舟者把其柁柁定則帆檣篙師櫓
工各奏其能軸堅則三十六輻皆附是故謀主立而
羣才輳者自然之勢也勝反其道而何以成功或謂
天道後起者勝涉首難故無成按二世元年七月陳
勝吳廣起兵于蕲九月劉邦起兵於沛項梁起兵于
吳秦積暴二世尤甚起兵誅之非無故發難以毒天
下者比而劉項之起相後僅二月其去首難者幾何
當是時沛公最得士故終有天下項氏得一范增不
能盡其用故幾成而敗其他田氏韓氏趙氏之屬皆

無豪傑爲之謀。主旋起。旋滅。或終爲臣虜。固不足怪。
勝所始造謀者。獨恃一吳廣而廣小器鄙夫。未幾叛。
勝孔鮒張耳中材之士。勝得之。謀且不能用。此勝之
所以不成者。嗚呼。可鑒也。

門人王弘極曰。格力勁拔。而極馳驟頓挫之妙。
門人梁份曰。是往古來。今英雄。堅子所以成敗大。
樞紐大龜鑑。無踰于此。不差毫髮。非徒文字王也。

○○○鼂錯論

漢景帝時諸侯王國疆大御史大夫鼂錯患之會吳王濞欲作亂錯請削諸王地曰削之反不削亦反削之反速禍小不削反遲禍大于是楚王戊以私姦服舍議誅之而削東海郡膠西王卬以賣爵削六縣趙王辟彊以前罪削常山郡及削吳豫章會稽濞遂舉兵反以誅錯爲名而連六國攻漢天下騷動錯亦以此誅死蘇氏曰七國之難錯蓋能發之而不能收之夫錯欲使已居守而天子自將此袁盎之議所以得

行也。魏子曰：錯豈獨不能收哉？其發之蓋已亡術矣。錯縱自將，未必能有功。如亞夫，錯有功而無故發天下之難，亦不可謂無罪。夫錯削七國，是矣，其所以削之術則非也。昔者禹治水，以爲天下之水莫悍于河。彭、野、地、云、仍、以、小、河、爲、會、却、便、勝、于、自洛汭華陰而上，有高山巨壑爲之防，故雖繫龍門以通之，而不憂其潰決。在陸以下，地愈平而水愈盛，則不得不播爲九河，以殺其勢。何者？力合則難禦，勢分則易制也。是故離其交而乘其敝，緩其謀而分其力。秦之并六國，漢之蹙楚，莫不由此。未聞有欲謀其

人顧先聲以動之而敵之以合其黨者也。然則錯用（要、論、煩、見、到此、乃、可、用、之、義、時、務）賈誼衆建諸侯之策若主父偃者其可乎。曰七國疆屬多尊親雖建此策不行且其勢亦有所不及也。吾謂當漢景之初惟吳逆形頗著其餘諸王初未嘗有叛志爲錯計者當使帝意以全諸王而密以誅吳膠西楚趙之奸悉置不問重禮以尊顯其賢者而厚賞賜以撫其餘璽書勞問不絕于途使天下曉然見天子親親之仁其邊吳要害之地擇將練兵陰爲之備以扼其變而時以吳王過失爲家人言柝于列國如

是吳終不悛則誦言其罪明天子所以曲赦吳者宣
示兵威以告諸王使天下盡知漢蓋吳曲則吳必孤
立而無與然後以大軍臨其地赦其國內臣民將士
之脅從者知必有縛漣而至矣當此之時除漣之國
而以小邑侯漣之子于是下詔諸王曰漣親爲高帝
兄子危亂宗國自取滅亡朕甚哀之朕念諸王秉德
懷義爲國藩屏得毋爲他日子孫計乎夫地大兵彊
衆易生亂衆必如漣而滅其宗諸侯王其各推
子子弟使子弟人有分土毋或爲非是諸王永保祿

神與國無疆也。夫聳以滅吳之威而開以世享之利，諸侯王欣然樂從。此不待再計而決者矣。錯不知出此而亂國亡身爲天下笑，遂使後世忠臣義士欲挺身爲國家犯大難者，皆以錯爲戒，豈不悲乎？建文初，齊、泰、黃子澄謀削諸王，一月之間，湘、齊、岷代相繼死，廢又未逾月而逮燕官屬，致激其變。然執議之臣卒未聞有一人身當其衝以謝首難之禍者。夫七國起而錯欲以徐僮之旁子吳燕師至龍江謀國者，以割地講和爲請，誤國愛身何其前後如出一轍也。秦、

廣德子澄奔蘇州帝徘徊殿庭長吁不已曰事出此輩而今皆棄我去也此則錯之罪人也矣

揭子宣曰七國之削人知罪錯而不知不削反遲禍大一語自是確見削不削之間古今未有定論使後人更當此事茫無主持卽謀吳而寬諸王或有見及者安得如此次第周玆着着不差余謂此文雖論七國一事然凡所以定天下之變者已十得七八萬世之凜凜縛于此矣後之爲錯者讀之則知所以制

○漢○爲○漢○者○讀○之○亦○終○無○他○策○可○以○自○免○可○魯○
君○子○之○智○而○不○至○長○小○人○之○奸○真○千○古○大○文○
章○也○

門人涂尚崧曰爲景帝謀畫處似以權術籠
絡諸王然其作用着着皆本于仁厚之心如
禮賢者厚賞賜時勞問無論矣於吳王過失
爲家人言不悛而加兵非驅而納之陷阱也
曰親爲高帝兄子以小邑侯漢之子及推封
子弟永保祿祚諸語哀痛惻怛之意溢于言

表可見定天下之變。固貴才足勝人。尤貴其
心足信服于天下。然後大難除而國之元氣
不傷。人心益以固結。萬世之凜。盡縛于此。不
誠然哉。

兄善伯曰。予嘗謂陳平六出奇計。全不見奇。
友人曰。如醫用藥。藥本無奇。只對證恰好。一
劑霍然。人便訝爲神效。世變雖有千頭萬緒。
其頭緒中間空處。必有一恰好。翕貼者。人首
苦無本心。次苦無識。次苦不耐煩。遂將翕貼。

處處得紛紛。此交千委萬曲，不過尋其恰好處。合縫而已。庖丁曰：批郤導窾。陸象先曰：天下本無事，庸人自擾之。識得此意，無事無交，不增其至也。

丘邦士曰：其交可謂好盡，須看其精神力量，不見竭盡態處。

○○○雋不疑論

古之能斷大事者其持理必正大明切足以服天下之心故衆議有所不能奪然倉卒之間衆人之疑未

有或作之疑

易以正言格者往往別持一說以勝之雖不必其言

之確而衆議無所伸其惑不辨而自解國家之禍遂

以潛消默禦而不作後之論者無執辭以害其意又

或見其事之濟而不知其說之非抑知其非而不知

其非而有所甚是者蓋不在區區之間也吾讀雋不

疑收縛衛太子事而有以知之昔者漢昭之世有自

稱衛太子詣北闕者詔公卿將軍雜視丞相以下並
莫敢發言時不疑爲京兆尹後到獨叱從吏收縛衆
以是非未可知爲疑不疑曰諸君何患衛太子昔蒯
賁違命出奔輒拒不納春秋是之衛太子得罪先帝
亡不卽死今來自詣此罪人也遂送詔獄于是天子
與大將軍皆嘉嘆不疑以爲公卿大臣當用有經術
明于大誼者當衛太子之以讒賊得罪也天下莫不
寃其後令狐茂上書武帝感悟不幸太子自經死循
封闕戶及抱解太子者爲列侯田千秋上急變帝又

作思子宮爲歸來望思之臺于湖帝心之悔恨亦既
甚矣使此時武帝尚在衛太子未死帝卽不更立必
且于以大國父子之情益篤他特而顧謂得罪先帝
爲罪人至今詔獄嗚呼不疑苟病風喪心之人則可
否則天下悲其冤于當時而不疑文致其罪于事久
論定之日武帝身親悔恨不疑乃誣先帝于旣死而
囚縛當日之儲君是蘇文江充之所爲也而不疑亦
爲之乎且其經術則又謬甚祭仲逐君爲行權輒義
可以拒蒯瞶此公羊氏之邪說也晉申生自殺陷父

于過君子以爲仁之賊而正名求仁諸說見于論語
顧信公羊之邪說而沒聖人之正論此不通之尤者
而謂其可以折衆人之疑無是理也然則不疑何以
若是曰太子之死不疑知之審矣張富昌李壽之封

何定案

事甚顯著非有幾微不足明也然使不疑明言其僞
則必有人言其真者謂其已死則必有以爲有托而
然若公孫杵臼趙武之事者當是時吏民觀者數萬
右將軍勒兵闕下備非常可謂主少國疑震驚危難
之會矣朝議紛紜不決日復一日奸雄生心黠者志

取富貴愚者惑于耳聞雄俊之徒倡義于外朝臣若
上官桀輩陰伺于內因以煽動天下悲思太子之心
則漢之天下可以立危唯以衛太子得罪先帝爲有
罪則真僞可以不辨而漢人篤信公羊引經以斷亦
無復知其非者故衆議可以一言而決甚矣不疑之
能權也今夫解紛亂者不控拳然用有所急則亂絲
有時而可斬何者優游以解其紛此可以禦平而不
可以應卒者也龔遂曰治亂民如治亂繩不可急也
唯緩之然後可治高洋曰亂者必斬嗚呼得二說者

而用之經權之際思過半矣

弟和公曰借雋不疑事發出自己本領學術
開千古濟變行權妙用然其駁不疑處確乎
語語悖謬推挾不疑處確乎步步合機真有
識有用文章也○漢人篤信公羊故不疑引
經益見其理之確然公羊紕謬人所易明若
非篤信時則引此等語反足招人辨駁而事
誤矣蓋得罪先帝之說本可以聳動當時不
必更添蛇足也故讀書論世最爲要緊

李咸齋曰引經斷獄是當時習氣太甲與昌
邑其情事本不同田延年却援放以行廢亦
是此類

彭躬庵曰先儘廷臣雜視到許時已下場不
得故不疑後至便能一語斬盡無數葛藤只
是一機字用到恰好停當處耳使不疑再爲
之便已不能矣文氣偏真蘇明允其刺入數
層空曲發揮明允似不能到

○○○漢中王稱帝論

魏子讀蜀志至司馬費詩諫漢中王稱尊號嘆曰王
不悅左遷詩官過矣然詩之言則非也及讀五代史
吳蜀及諸藩鎮勸晉王存勗稱帝宦者張承業聞之
自晉陽亟詣魏州諫曰吾王世世忠於唐室今河北
甫定朱氏尙存而王遽卽大位非從來征伐之意天
下其誰不解體王何不先滅朱氏復列聖之業譬然
後求唐後而立之南取吳西取蜀此時雖使高祖太
宗復生誰敢居王上者讓之愈久則得之愈堅老奴

受先王大恩故欲爲王立萬年之基耳。魏子曰：承業是也。雖聖人之言，何以易此？門人進曰：若是者，何也？魏子曰：承業之言，所以責異姓之臣。詩之言，非所以論宗子以異姓之義而責宗子。此詩之所以不知權也。詩不知權，則遂失其經矣。詩之言曰：殿下以曹操父子偏主篡位，故乃羈旅萬里，糾合大衆，將以討賊。今大敵未克，而先自立，恐人心疑惑。昔高祖與楚約先破秦者王之，及屠咸陽，獲子嬰，猶懷推讓。今殿下未出門庭，便欲自立耶？且夫獻帝廢曹丕自立，其時

諸○劉○無○有○存○者○漢○中○王○爲○宗○子○非○高○祖○在○秦○時○比○異○
姓○之○起○功○德○不○盛○而○急○於○稱○尊○未○有○能○成○大○事○者○苟○
爲○宗○子○則○一○成○一○旅○可○建○號○以○收○天○下○之○心○宋○之○末○
造○奔○迫○至○於○崖○山○一○舟○之○內○可○以○立○天○子○建○宰○相○無○
復○有○非○之○者○蓋○爲○祖○宗○延○一○日○之○統○猶○愈○於○其○遽○絕○
也○漢○中○王○稱○號○於○魏○黃○初○之○二○年○四○月○卒○於○四○年○四○
月○爲○帝○纔○二○年○而○子○禪○立○立○四○十○有○一○年○始○滅○于○魏○
當○時○蜀○之○不○能○克○魏○甚○明○使○漢○中○王○從○詩○言○不○建○帝○
號○未○幾○身○死○諸○葛○亮○欲○帝○禪○得○乎○如○此○則○高○祖○光○武○

之統已絕於黃初之二年後雖有執義之士欲以正
統歸漢而無由得是故漢祚所以少延漢中王急於
稱帝之爲之也人孰不樂其主爲天子主爲天子則
吾爵亦因而加貴詩顧以爲嫌此拂士之論正直之
臣雖其言不用而其人可褒而王不悅故曰過也門
人曰承業之論是矣曰讓之愈久則得之愈堅其將
教晉王以禪讓之事爲曹丕司馬炎之所爲乎魏子
曰此進說于中才之主規於義而不能遽絕之于利
承業以爲戮力討賊必立唐後而已無覬覦之心此

非晉王所能也。吾姑以後利歆之。而以義勸於先。使之求唐之後。求而不得。得其人而不足爲帝王。則雖自爲可也。然而賊則必已滅矣。晉王之失在賊。溫未滅而遽卽大位。故也。

閔無作曰：提張承業較論識論老到真足爲萬世取法。末幅洗發尤人所不能到。

附錄門人王愈融書後

人臣進諫於君。其言有衷於理而不中事機者。後世相緣其說而不知其非。其君聽之。則害天下之大計。不聽。則戮辱其身。故君子必深辨其是非。而不使疑似之說得以誤後之人。晉史載愍帝內問。

至建康群臣爭勸進周嵩上疏曰古王者義全而後取讓成而後得今梓宮未返舊京未清宜先雪社稷大耻副四海之望則神器安適由是忤旨出爲新安太守又坐怨望抵罪夫嵩之求利國家豈後紀瞻諸人然而以爲不可者則費詩之說誤之也嵩身被讎責必且堅持其說之有本以至於怨望嗚呼不有先生之論天下後世其何以決大疑斷大事融故嘗以爲漢中王靈武諸論君子尤不可不讀者此也嵩之論與詩同而晉王于嵩視漢中王則又甚夫漢中王未嘗屢懷退讓也晉王之讓至呼私奴命駕歸瑯琊又使殿中將軍韓續徹去御座而嵩以一言得罪如此亦何爲哉

○○阮籍論

吾讀晉書至阮籍所以居母喪未嘗不歎人性之善于。此益無疑也。方籍聞母死固留客決賭飲二斗酒而後臨喪此其悖理滅情有甚于犬豕之無人性者然觀藉嘔血骨立及沈醉六十日却司馬氏婚則未嘗不明于大義廼其始顧出此何哉蓋自何晏王衍以來習爲放誕以矯情立異爲賢籍意以謂聞喪而輟局奔赴則與常人之居喪無異于是堅忍抑折自滅其天性以求異于人然頃之嘔血骨立則籍亦不

得而自主之。吾故嘗曰。籍之求決。賭飲酒者。僞也。今夫水性決而善下。堤堰以障之。可使停滯畜逆而不洩。及夫鬱極而發。則橫潰四出。決堤防。壞廬舍。殺人。民牛馬而不可制。是故有哀而泣。有喜而笑。者人之性也。謝安得捷書。漠然置。碁局下。頃之而屐齒折矣。夫安始不置書局。下則其後未必有屐齒之折。籍不決賭飲。二斗酒。則其後未必嘔血骨立。何者。性鬱極而發。則其哀樂橫決。必百十倍于常情者。勢固然也。嗚呼。習重而不返。以僞爲真。咸重服追姑婢。纍騎而

還則人①性幾乎滅矣。人慎毋自怙其習以戕賊其性
使至于滅哉。

閔賓連日以決賭飲酒爲僞。真老吏斷獄其
刻誚籍處正是曲愛籍處。筆力堅渾。恣悍人
不易到。

高允論

國書之役高允旣免罪出語人曰吾不敢愛死者恐負翟黑子故也魏子掩卷而歎曰甚矣允之言欺我哉允忠誠正直口無所擇言身無所擇行雖微翟黑子必不愛死以欺君然允必爲此言者至高之行人所樂居而允顧退然自托於小善此古人所爲不可及也元、成、或饋楊震金曰暮夜無人知者震曰天知神知子知我知何謂無知宣德中周忱薦龔翊爲太倉學官翊辭不就語人曰我仕無害於義但恐負金川門

一勸耳夫廉吏惡不義之財。雖使天地間無復有鬼神。震必不受金。忠臣疾不義之祿。雖金川門不痛哭。翊必不仕。且夫翊一門卒耳。非有知己之恩。國事之責也。旣已更歷三朝。身逢賢聖之主矣。而介然不肯少污其志。可不謂大賢矣哉。魏子曰。吾於允得保身焉。中年旣定趙簡子義田。基而賞之。基曰。一人舉而萬夫俛首。智者不爲我受賞。使中牟之士懷恥不義。書曰。滿招損謙。受益曰。君子以儉德辟難。有以夫。

彭躬庵曰。絕頂眼力。絕頂學問。豈直三公印。

已正復精義入神○筆力挺變尺幅中有龍蛇不可控攬

汪魏美曰通篇賓主錯綜最妙中抽龔翊覆說一段文格天矯搖曳唱嘆不盡而作者命意深遠自然會心處又出文字之外矣

諸子世傑曰叔父嘗舉示孟子禹稷當平世章爲絕奇文字雙峯突起復以譬喻雙收不找一語正意而已饑已溺單論禹稷一段尤是格力最佳處此文似從此章脫胎

○○唐太宗平內難論

門人王愈融論曰秦王以不得已殺兄弟然其罪在高祖初欲立爲太子而固辭後遣居洛陽又涕泣辭慕孝友之虛咎而成兄弟推刃之實禍夫秦王豈嘗一日忘爲太子哉是以僞而成其忍者秦王也魏子曰近之矣夫秦王不可以罪名秦王之不能爲子魚子臧固也子魚子臧賢而無大功於國語○破○的○不可與秦王比高祖義當立秦王秦王義當受然辭且至再者非僞也高祖方起兵晉陽

及爲唐王當是時

兄弟未有嫌隙。秦王功未高。高祖特因將佐之請而
建成未相推讓。玄宗之平內難也。宋王成器讓之固
故。睿宗立之而玄宗不辭。兄不讓而已。乘機以攘其
位。可乎。秦王之心。以爲天下既定。兄弟相安。吾爲王
可已。豈意其必殺已哉。建成以善蹶馬殺秦王。又夜
召飲而酖之。兄弟日夜譖於上。數得罪。股肱羽翼分
散。殆盡禍機之來。迫於呼吸。而秦王拒僚屬之請者
方五六石止。李靖李世勣辭不從。秦王由是重二人。
然則秦王

無奪嫡殺兄弟之志也。審矣。楊文

幹之叛高祖遣秦王討之曰還立汝爲太子封建成
爲蜀王時秦王未更辭的元吉妃嬪封德彝爲

之營解高祖意變而建成還守京師觀秦王不更

辭則知其前此之辭者非僞也秦王未嘗不欲爲太

子而以爲名義有所不可也諸葛公曰申生在內而

危重耳在外而安還居洛陽說爲近理夫淨泣

不欲遠離膝下者人子之情也雖命之豈有欣然意

往哉然將行而建成元吉密令數人上封事高祖意遂

移是固不可以咎秦王者且秦王之必不可以居洛陽

何則重耳當列國時起境則獻公之戚令不往而重耳可生今四海一家他日得罪其可逃諸突厥吐蕃乎建城元吉內結妃嬪外結德義是驪姬二五之讒已淡也秦王雖日在左右而高祖猜疑日甚一旦遠去不軌之譖何所不至或如申生之被誣以死或如楊廣矯詔而殺太子勇召漢王諒夫秦王不能爲申生之自縊則必爲戾太子之稱兵身據洛陽以叛而父子相戰其可以爲人乎且以社稷君父之故在秦王亦不可輕去左右蓋建成元吉淫逆不道之迹甚

著萬一高祖悟而_○斥之_○欲更召秦王事急計生內有_○
徐師暮爲之謀_○主外有楊文幹之屬爲之爪牙則楊_○
廣之禍可以立成吾故曰夫秦王不可以罪名也殺_○
建成元吉諸子則忍納元吉妻於後宮則悖也_○

王竹亭曰據史立論辨駁詳確但當時史官不無
傳會未可盡信蓋太宗一生好名所以不遽圖兄
弟者其罪惡不稔著則殺之有害於名豈真肯以
藩王自安哉觀召玄齡無忌不至幾欲斷其首則
史所言靖世勸不從秦王由是重二人者其爲緣

魏志子文集卷一
飾可知此文洛陽一段淡中事機可爲後人處變
模本

太宗好名史官傳會皆誠有之特不可論於此事
耳如納元吉妃至欲立爲后害名孰大於是當諱
孰過於是而太宗爲之不顧史官書之無諱獨諱
其欲殺凶劣之建成元吉乎又史官欲緣飾秦王
重靖世勛語則何不緣飾斷玄齡無忌之首語爲
更切要乎不諱斷首語而顧僞爲重二人以解是
挫崔之股而更調之也故知平內難一事皆直書

始末美惡互見爲可信也然則重靖世勛之辭又
怒玄齡無忌之不至何居蓋訪靖世勛尚在猶豫
之時而怒玄齡無忌在已決計之日且一則面相
可否一則召而不至其情亦不同也誌此以質同

學自記

○○續縱囚論

或曰古之縱死囚而來歸者多矣。是小人之尤。或能爲君子所難。而一日之恩。其感人也。亦有時過于五六年之德。奈何以是定太宗哉。魏子曰。歐陽子以縱囚。定太宗之好名。吾則以好名。定太宗之縱囚。何以知之。曰。吾以太宗知之。太宗生平勇於好名。而過其情實。嘗觀其折群臣封禪之請。雖聖人之言。不過是及魏徵以爲不可。則盛氣驕倖。憚然而不能自忍。非初是而終變也。彼其心以爲群臣請之。而吾辭之。吾

凡云群臣
之請出于

謂以故愈
愈而愈請
欲正言
惟謙無可
非飾故差
疑成怒

辭之而又請之。至于再三不得已而爲是。吾有封禪之榮名。而又不失乎謙德。天下臣民蓋知太宗之心久矣。太宗自侈功德。每欲駕三代而上。彼成康號稱刑措。漢文帝斷獄三百。初未嘗有縱囚而自歸死之名之。于德爲盛也。是以斷然爲之上。逆其必來而縱而下。亦逆其必赦而來。不然。太宗之德不如是盛也。三百罪人之多。而無一後期者。不如是之齊也。且吾嘗爲大宗計。人之入于死罪。桀黠者半焉。凶愚者亦半焉。囚有不能逆知太宗之心。畏死而不歸者。其將

置之乎抑勒有司捕家屬勒其鄉里親戚以要于必
得乎勒而捕之則擾民之害甚于遽殺囚置之則壞
法太宗其何以自解也漢虞延晉謝方明之徒皆嘗
縱死囚刻期自至無有逃者此固盛德之事不可與
太宗比然世之爲政舍聖人不易之常法而矯情好
竇以徼倖一時之名往往求榮而反辱擾無事而多
事嗚呼吾未見其利也

兄善伯曰以縱囚定太宗之好名不若以好
名定太宗之縱囚爲更明確而議論刻入淺

出文字沈摯悠揚殆參六一明允之勝

弟和公曰古人縱四自歸殊非好名故知歐
公小人之尤一日之恩等語不足以折服太
宗得此文而後無遺議矣愚意當時稍有不
至者太宗亦姑混然置之囚亦未必盡探太
宗必赦之情而復來或各處有司有以牽引
根據使其必來以成太宗之名未可知也然
三百人必有逃逸者

○○唐肅宗靈武卽位論

靈武卽位之役范祖禹氏以爲以子叛父王生愈融
駁之曰馬嵬之留明皇宣旨欲傳位太子安得謂無
父命且明皇之不能興復蜀僻遠非興復地甚明而
太子不正位號不足號召天下之豪傑唐史曰顏真
卿頒詔江淮南北由是諸道知上卽位靈武殉國
之心益堅觀此則太子義當正位何疑乎魏子曰是
役也當論其事與勢不必以父命論如必父命然後
可則宣旨欲傳位者欲之云爾非實有傳位之詔也

明皇至普安制以太子亨充天下兵馬元帥與諸王同領各道節度都使及靈武使者至蜀上皇喜曰吾見順天應人吾復何憂乃制自今改制敕爲誥表疏稱太上皇然則使者一日未至明皇何嘗一日以太子爲天子哉太子遷狗群臣之請此因亂篡國范氏叛父之說所由來而特不能深窮其說耳且子以爲不卽位則無以號召天下史稱諸道知上卽位狗國之心益堅蓋非謂爲太子則狗國不堅必卽位而後堅也當時天子倉卒遠奔太子諸王並莫知所在天

下無主義士雖有殉國之心而無所屬。至是乃知太子實在朔方。雖不卽位。諸道必踴躍以戴太子。唐之末造僖宗亦嘗幸蜀矣。朱玫擁立襄王熲。雖無太子之號。召李克用。猶倡義帥諸道以討之。天子竄處西蜀。而太子興復北方。其誰敢不受命。况以郭李諸忠臣之爲將者乎。愈融不能對。已而請曰。然則靈武卽位。非歟。魏子曰。何爲其非也。論理者必深窮其是非。之盡論事者必深窮其利害。之盡。今夫肅宗以太子號召。勢固無所不可。然天下將帥必心懷疑貳而不

宵盡死力以效其上蓋當日迫於忠義唯郭李二顏
張許之屬其他率思取富貴傳子孫以自利者也昔
者太宗率其謀臣勇士爲高祖取天下天下既定高

卽引唐事爲証

祖爲天子未嘗不重太宗之功其後入諸子諸妃之

讒太宗幾危而秦府文武重臣皆不免得罪劉文靜

首唱大謀其死也雖太宗力救不能得使是時高祖

爲太上皇太宗爲天子則豈有此宋宣和末金人逼

京師徽宗將出走欲命太子監國李忠定公綱曰今

之法

日之事不正位號無以鎮壓人心監國不足用也明

皇崇任小人窮聲色奢侈之欲毒亂天下與徽宗畧
同向使肅宗以太子收兩京而明皇爲天子天子耄
荒小人因緣用事必又將置其所愛而除其所憎建
功之臣廩乎有首領不保之懼且夫高祖起○偶○落○已事諸將
夫誰不知者而謂其肯安心竭力致死以圖恢復乎
吾觀明皇又○以○本○事○証○旣歸以六等定從賊諸臣罪肅宗欲免張
均張垧死叩頭流涕爲請上皇不可卒流垧嶺表而
殺均夫誅均於法誠當然肅宗之心豈不甚欲其生
哉上皇如是爲天子抑可知故曰不卽位則將帥心

懷疑貳恢復之功不成故雖明皇無傳位之旨而肅
○民○又○命○宗立焉可也○功○成○而○退○居○東○宮○可○也○父不許尊爲太
○更○繼○一○以○步○作○結○并○結○上○
上皇而已盡孝養可也○開○地○一○可○應○前○悼○尼○餘○竊○夫子之論亦所謂不能渡窮
其說者也

門人鮑夔生日前段論不當卽位正大詳盡後段
論當卽位淡切曲當皆妙有根據理勢確然可爲
後世立法而後段尤人所難見到

○○劉知遠論

劉知遠既帝改國號曰漢仍稱天福曰余未忍忘晉也或曰忠矣乎魏子曰惡寒者裘裘惡熱者表絺綌愛其子者必食之天福之稱以爲名焉耳矣知遠不諫晉主伐契丹契丹伐晉知遠不出師知遠未嘗有毛髮之功於晉及其滅也未嘗求石氏子孫而立之徒稱其紀年之號是亦縞素發喪之名耳漢高帝親率諸侯滅楚爲義帝報讐曰忠可也且使知遠稱晉則石氏子孫皆是也不曰晉曰天福則天福之亾於

契丹久矣。安得復有天福者而君之。然則陶潛書義
熙非與。孟子曰。士之尊賢者也。非王公之尊賢也。爲
潛則名存而實存。爲知遠則名存而實亡也。

諸子世倣。曰循名責實。此春秋之義也。知遠不妨
爲法受過。而文字韻折波峭。屢味不窮。

○○宋論上

天下之亂不亂于既亂而亂于既治國家之禍不禍于小人而禍于君子既亂之日與小人之禍人國家此不待智者而後見也而既治之亂君子之禍則謹守繩墨之士恒有所不及知知之而不敢斷然出其言以正告于天下吾嘗觀北宋之禍其罪在章惇蔡京數奸而實司馬光呂大防諸賢自貽其患南宋之禍其罪在秦檜韓侂胄數賊而實岳飛韓世忠諸賢將坐失其機何則元祐初宣仁擢用故老黜安石之

黨以盡反神宗之政司馬諸賢言無不聽行無不遂
勢不可謂不專使此時能取小人之桀雄者斬殺之
其次者竄逐之則太后雖崩無足慮哲宗雖暗無能
有蠱惑其心而奪其鑑者慮不出此而優柔養奸行
調停之說其罪之極大重惡者止從放逐或罷使閒
居或使之仍立于朝以爲足以致治而無憂而不知
逐者可還罷者可起在朝者可攀援窺伺以馴至于
得柄書曰樹德務滋除惡務本蓋熙寧之禍延蔓于
紹聖政宣而根伏于元祐也高宗旣立天下引領以

望恢復韓岳諸將戰無不捷金師幾於北遁然檜以
一人主和其內諸道之師悉罷甚至矯制殺飛而天
下事遂不可爲嗚呼鬻拳兵諫君子猶以愛君誦之
與其死於奸臣孰死于敵之爲烈避專制之罪名何
如棄二帝敗國家塗炭生民之禍爲酷向使飛不奉
詔不班師內覲其始○取○得○方○諸○若同于叛臣之崛起跋扈而不
可制而專力圖金克中原以迎二帝然後還戈而清
君側解柄伏闕自尸抗命之罪則雖有百檜不足以
爲憂者而區區之金其何不可翦此而朝食蓋嘗論

三代以後人才莫盛於宋其致治遠不及漢唐何也
漢唐之立國在強固宋之立國在忠厚漢唐以強固
立國而其法多蕩軼簡易故一時臣工類能敢作果
爲以自奮其才智是以能成功宋以忠厚立國其法
多繁委周密而一時臣工又皆循禮守分不敢踰越
尺寸斤斤然規矩準繩之中以自救過不給是以不
肖者不能爲大亂而雖有大賢不能遂志畢力犯非
常之舉以至於大治嗚呼排衆論冒不韙危天子以
成大功者終宋之世吾以爲寇萊公一人而已矣

溫伯芳曰筆勢若饑鷹之搏兔○論似奇險
究竟不出人心口間然誰敢形之於筆而又
能如此猛驚迅悍耶

曾止山曰傳曰惟仁人能愛人能惡人叔子
天性仁厚純謹而其言若此可以想見一班

神宗時病
在懷徽而
安石之執
拗益堅哲
宗時病在
姑息而羣
奸之凶毒
愈肆

○○○宋論下

或曰紹聖之禍君子之病在憤激吾則爲之言曰君
子之病在姑息夫諸奸蠹國殃民豈竄斥尚爲過耶
且夫畢仲游常安民深識遠慮天下之奇才也既未
使之大用而呂惠卿首附安石以害天下自當誅不
踰時何元祐間尚在政府必自求散地而後出之章
惇蔡卞死有餘罪無一人就戮者蓋元祐諸賢徒守
成規謂祖宗朝未嘗輕戮大臣不可自我壞之而其
間猶不能無狐死兔悲之感自范文正爭晁仲約之

死以爲恐他日吾輩亦未可保而富鄭公使契丹還
身處危疑乃亦嘆曰范六丈真聖人范富大賢其所
見已如此矣語曰當斷不斷反受其亂古之聖賢無
事不_{至論}極于寬仁獨至壬人奸臣則痛絕之惟恐不_{至論}極
傳曰惟仁人放流之未已也必曰遊諸四夷又曰不
與同中國孔子爲司寇七日誅亂政大夫少正卯無
非此意也或曰諸道師旣先撤岳忠武雖不受詔豈
能獨自成功吾則曰諸將雖悉罷兵然岳軍一出金
將聞風走死且其時部人之輸款者日以千萬計是

獨力何不可辦也。或又曰：忠武抗王命，朝廷必極力誅之。天下皆疑忠武以爲叛，則其兵亦必不可以復用。吾則曰：忠武召還之時，當直言於高宗曰：「二聖必不可不迎，中原必不可不復。」奸臣如檜等，必不可信淵聖還，必德禮陛下不暇。且天下疆兵大帥皆陛下所拔擢，委置陛下，堅讓淵聖。淵聖斷無能復辟之理。妙論願毋爲奸臣所中。臣能成功，則伏闕待誅；自服抗命之罪，以正君臣之義。如其不然，進而死敵，不徒還也。如此，則辭直而義正矣。辭直而義正，則天下不疑况。

河北義士聞用兵則喜聞罷兵則感憤涕泣安有不
翕然來從者朝廷畏金如虎金畏忠武如虎則朝廷
安能制忠武哉韓劉諸公必不肯舉師而殲忠武明
矣故忠武一日爲純臣則舉朝忌之殺之忠武一日
爲叛將則舉朝畏之尊之古今亡國之情勢類皆如
是惜乎忠武之未可與權也吾友丘維屏曰元祐司
馬諸公惜其止奉太后而置哲宗若無有此其于格
君之道卽有未盡所以小人得而中之是則可謂知
言已矣

族祖石牀曰兩論皆踴厲風發悍不可當然
此論可存宋人必不能行之余謂宋人被理
學二字束縛雖武勇皆不能跳出圈格如韓
岳是也又况以決裂望元祐諸賢相乎然此
義此理自是古今奇膽偉識懸之千古必有
能爲之者

謝曲齊曰其語之獨到處驚心駭目皆義理
具足二十分故能有此識見發此議論

○太平興國論

古正統之君未有以四字建元者有之自宋太宗始
太宗頻歲改元曰太平興國元年何謂也曰所以自
異于禪受之故也古之開創有天下者則人知其爲
開創世及有天下者則人知其爲世及若夫功在開
創而各同于世及無所以自異則其心有所不甘太
祖以軍士之戴驟爲天子密謀大計太宗之功必多
焉太祖將崩而太宗嗣位彼固曰此天下者吾所共
經營而得之者也天下不知吾之功自足以有天下

而咸歸德於太祖之讓以謂舍子而立弟夫唐高祖以秦王之力取天下而立建成爲太子建成豈能一日居之哉于是頻歲改元而又必表異以名之曰太平興國以爲國自吾興故也而後天下後世顯然知吾自有天下之功或曰真宗改元大中祥符徽宗改元建中靖國何也曰真宗以神人之告當降天書大中祥符三篇因而改元固無足異徽宗時曾布爲政欲合元祐紹聖之黨而調和之蓋有所變革以風示臣民故特殊其號以見意而其事則皆太平興國爲

之倡或曰漢光武末亦改元建武中元是不始于太宗矣曰光武本改中元而仍以建武冠之時帝方惑于圖讖封禪以爲日可再中壽可更益如文景中元後元梁武中大通中大同之類耳非以四字表異者也若夫太武之太平真君武氏之天冊萬歲西夏之天授禮法延祚蓋僭亂而不足數然皆有翹然自異之心焉故古今之以四字建元者莫不各有其故考其故而太平興國之故益可見矣

陸水脩曰從興國窺見太宗心事殺弟殺姪

之根便伏于此

溫伯芳曰只發改元之意而太宗人品具見此含光宵練殺人無跡者也

丘邦士曰體力健

○○蔡京論

昔司馬光欲復差役之法爲期五日同列病其太迫
蔡京知開封府獨如約光喜曰使人人奉法如君何
不可之有其後紹聖崇寧間首以光爲姦黨使賢士
大夫盡遭荼毒流禍生民馴至亡國者則皆京爲之
倡也魏子曰知人之難豈不信哉古之善用人者非
必盡有高世之識也大旨俱實有○下手處○非虛冒遷○內設大公之心○○○○○外破一成之見○○○○
因其跡之所可見者○參驗于衆論而衡之以理則久
之而真僞短長可以互得嘗觀世所號君子必其愛

使云執成
見愛同已
二事是君
子大病非

說不作同平

君子而惡小人然君子惡小人之異已者而愛君子之同已者夫惟同已之愛則小人可以出投其間而入得其懽心故吾謂小人之難知非獨其才足悅也始莫不有過人之行嶄嶄然立名義于天下足以大服君子之心而及其後得天下之柄禍遂至于不可救蓋自古有之而宋之小人工此術者尤衆是以接跡而不絕以至于十_口青城之役_京金人立張邦昌爲天子秦檜與馬紳吳給共爲議狀金師極言異姓不可立願復嗣君以安四方金人怒執檜去及檜南還高

宗曰朕得一佳士方膺之以抗節北去奔而南還也其誰不謂忠而惡知其後之至于此王欽若請遣使除逋欠釋囚繫丁謂請罷兵撫蠻寇而蔡卞知宣廣貨貝一無所取夷人廉其去以薔薇露洒其衣而送之且夫人有矯名立節以取榮譽及于得志恣行其私者有砥行礪志出于本心晚節不終一敗塗地者有希君相風旨以忠直為諂諛廉潔為勢利者有性之所秉長短各殊或直而不廉或仁而不忠或剛介而嫉妬寬厚而貪汙者是故君子之用人以其善而

遽成見

應同已

信之與以其善而疑之庸皆可以失人僱役本非當
改光以安石法必盡改之後快至成見所持則蘇軾
之爭執不免於忤而京之將順不免于喜也秦檜在
紹興爲奸一耳或趙鼎以爲小人張浚以爲君子或
浚以爲小人鼎以爲君子一人之見先後倒易豈非
同已之蔽哉噫此爲學不能克已終不可以爲宰相
也與

甘健齋曰就僱役一事蔡京一人勸出諸小
人之奸諸君子之弊反覆提撕名言鑿鑿不

止爲一代關係成敗

涂宜振曰惡小人異己爲小人忌惡君子異己且爲小人喜愛君子同己非君子喜愛小人同己尤非君子福爲大臣者不可不三復斯篇

弟和公曰皆剝骨洞髓之言莫作平正迂濶道理看過

沈甸華曰此理本是平正然在他人言之則迂濶矣方知格力二字正不可少雖有至理

非高文不傳也

○蘇雲卿論

或曰蘇雲卿嚴子陵之流亞也。魏子曰不然。光武既
定天下，朝廷之上多賢將相，亡一子陵，不足患。故子
陵以其高風厲天下，而東漢之氣節成焉。張浚爲相，
小人狐媚於內，金虎視於外，此君社存亡萬姓安危
之日也。且雲卿亦既知浚之不足勝任矣，雲卿不踐
土食毛爲宋之民，則可。雲卿而爲宋之民，坐視君父
危亡，天下塗炭，漠然不動其心，則上不忠于君，下不
義于友，是安得以比子陵也。曰然，則雲卿非與。魏子

曰吾于此見雲卿之知浚而浚之不知雲卿浚剛而
復諫雖有雲卿不能用當浚與趙鼎並相天下引領
望治浚卒使鼎罷位以去後之論浚者曰浚三將而
三敗非獨其才不足也富平之役李綱尚在浚不能
用淮西之舉岳飛在營浚惡之聽其歸終母喪而不
能留待離之戰虞允文遠在川陝浚知其賢不能舉
以自副故雲卿以浚爲德有餘長于知君子者非也
雲卿知浚不可同事故婉辭以答人而高蹈遐舉若
避水火之遽且甚者此足以明雲卿之志矣朱熹入

信其頌浚之辭。凡與伊周並駕。致後世疑爲朋黨。其亦不審也已。雖然。浚爲國至死不衰。公則未也。而忠則已至。論浚者。兩存焉。其可也。

湯惕菴先生曰。以雲卿知張浚不能用姚詞。以答可謂特識名言。

友姪王源曰。爲民亦有君國之責。真千古偉言。篤論爲石隱一輩下。此棒喝不小。文字直下。刺入處有寸鐵殺人之能。

○○○趙鼎張浚陳俊卿虞允文論

君子之患莫患乎勇於自信而不能屈已以成國家
之事故其功可以垂成而輒敗宋紹興趙鼎張浚並
相天下稱小元祐壽春之捷浚欲乘勝攻泗南而鼎
欲回蹕臨安議不合高宗意主浚議鼎力求去遂罷
鼎知紹興府孝宗銳意恢復以陳俊卿虞允文爲尚
書左右僕射允文欲遣使請陵寢俊卿議不合而帝
方向允文俊卿力求去遂罷俊卿判福州假令是兩
君子者各久於爲相協心畢力以匡時難則紹興乾

道所建立又何可量。而卒無所成者。則皆勇於自信。而或毅然奉身以退。或以一身任天下。遂聽其去而不留也。夫浚允文豈不知老成難得。君子之寡助。而天下事之難爲也。胡越之人生不相識。同舟而遇風。則相救如左右手。宋於斯時。蓋亦岌岌矣。雖博求天下之賢者與之共事。猶懼其不克濟。而况以鼎俊卿之爲相乎。且夫鼎俊卿所誣執。非有綱常名義所不容貸與安危利害之不可須臾緩也。非如李綱之論割三鎮與論僞命當以去就力爭者也。昔者教部之

役變人伍參欲戰令尹孫叔敖弗欲旣南轅而反旆
矣伍參卒言於莊王改乘轅而北之及王逐趙旃敖
曰寧我薄人毋人薄我遂疾進師而乘晉軍大敗晉
師於郟夫欲戰者參而所以戰勝者則敖敖之不欲
戰與急於戰皆所以爲國而已之意見與功名無與
焉○論○不務於成已之志而犯難致力以信伍參之言古
大臣之用心不當如是耶吾嘗謂張耳陳餘之失以
爲餘失在褊燥而耳遽收餘之印綬則忍且險鼎俊
卿之失似陳餘而浚允文有類於張耳夫浚允文豈

忍且險者哉。惜夫其君之不能兩用之。而宋遂終於宋也。

丘邦士曰：激揚張虞二公，是深愛惜君子處。

說發趙陳二公是深

造大臣處世惟冰叔文勝蘇氏在此等處可見

弟和公曰：絕頂之論。○責備四人俱確而趙

陳之失尤爲難明。蓋以勇於退者大臣之節

而人且以是賢之矣。引証孫叔敖一段寫盡

古今忠臣賢臣苦心大度。此文與蔡京二篇

爲宰相者不可不日置座右。

○○○續續朋黨論

歐陽文忠作朋黨論辨君子小人之分所以告其君蘇文忠作續朋黨教君子去小人之術所以告其臣傳曰惟無瑕者可以戮人君子自護黨而欲除小人之黨欲其君不以黨人目之得乎世愈變君子趨愈下學術不明毒壞天下之人心而其禍歸于君父也奈評次二篇已爲太息流涕作續續朋黨論

君子曰朋○小○人○曰○黨○小○人○以○勢○利○相○比○有○黨○而○無○朋○

朋黨論
分疏朋黨

二字如書
少裁缺便
已錄歐蘇
一籌

君子以道義相輔有朋而無黨故孔子曰君子周而不比羣而不黨書曰無黨無偏詩曰靖共爾位好是正直嗚呼是可以爲君子矣朝廷有黨則國將亡漢唐宋是已吾以爲三季之君子漢唐除宦官不勝宋以新法取怨小人其謀迂疎或失之過與不及然莫不有觸然不滓之行生不愧于君死可以見祖宗于地下雖殺身亡國其志爲可悲也近世則不然所號爲君子者其始類能廉潔勁直嶄嶄然取大名于天下言人所不敢言爲人所不敢爲及其名日盛而權

以李党人
好為矯激
而各相
訾又以其

日歸則異已者去之惟恐不亟欲去異已必先植同
已門生故吏薦引稱譽之方不遺餘力使布列于朝
廷于是同已者衆而其去異已也愈力矣從吾黨者
雖其人有可斥可殺之罪則必率衆而援之曰是正
類也其罪可原也不從吾黨者其人雖有可用之才
可賞之功則必排抑之曰是邪類也不可令其得志
又或其父兄舉主偶出于吾之所忌必且窮究其源
流絕之于吾黨而後已而一介之士下僚之吏其才
氣足以犯難扞衆而其身兩無所屬者則必折節羅

厚衛陶銘
孫復學
世不絕
禍福流
自文直
使有毛髮
張門

致○之○時○其○緩○急○而○謀○其○榮○辱○誘○以○功○名○之○途○教○之○自○
固○之○術○及○其○得○志○則○甘○爲○死○黨○而○不○辭○羽○翼○蟠○罔○之○
勢○成○以○天○子○之○威○有○不○能○令○行○禁○止○于○其○下○又○其○甚○
者○陽○爲○名○高○而○卽○以○名○高○收○厚○利○近○謀○身○家○遠○慮○于○
孫○蓋○嘗○較○其○爭○名○趨○利○專○權○怙○黨○之○私○心○與○彼○所○謂○
小○人○而○急○欲○去○之○者○求○其○毫○髮○之○異○不○可○得○猶○詎○詎○
然○號○于○人○曰○吾○君○子○之○黨○也○則○日○取○小○人○而○拮○擊○之○
彼○小○人○者○獨○肯○甘○心○乎○是○以○上○不○足○取○信○于○君○下○不○
足○服○天○下○之○公○論○而○正○直○仁○恕○之○士○則○不○屑○身○與○于○

此句疑明
曉塵千
以下略絕

其間此其人雖并小人之禍激世主之怒以至于死
嗚乎吾不知其何以爲死也是故由歐陽子之論可
使人君不以君子之黨爲疑而君子或借其說以助
標榜之私由蘇子之論可使君子善于去小人之黨
而不能使君子服小人之心以取信于其君唐文宗
曰夫河北賊易去朝廷朋黨難吾以爲去小人之黨
易使君子自去其黨難夫君子者必使其身毋近于
黨人之所爲則幾矣

門人賴韋曰描畫醜態正是提醒良心爲萬

世下此針砭亦可云功不在禹下矣

附錄彭躬菴書後

魏米叔爲續續朋黨論盡發三百年朝士之覆謂宗社生民與其身家由此而盡可大哀矣然亦有不爲貨賄威福所淫屈不爲官爵子孫所貪繫惟堅持其意見佐之以學問之醜博操行之孤介乃欲驅一世而從之惟吾言之惟是其違乎此者則斥以爲小人去之惟恐不力雖至于懟君父殺其身而亦有所不悔此固世之所號爲賢者也及措之于用則反不如才臣之貪使猶足以濟一時之事蓋其自視過高求治太銳思以龍肉療天下之飢而顧厭夫菽粟尋常之味用亦終不免爲溝中之瘠爲有識之所誦笑而已矣天下之黨莫盛于東林東林始于顧公憲成舊爲龜山講學之地萬曆中公嘗貽所知書其畧

口竊觀近局誠若冰炭某從旁靜察亦只是
始于意見之岐成于意見之激耳夫局內者
宜置身局外以虛心居之乃可以盡已局外
者宜設身局內以公心裁之乃可以盡人何
言乎虛各就已分上求不就人分上求各就
獨見獨知處爭嫌不就共見共知處爭勝也
何言乎公是日是非日非不爲模稜也是而
知其非非而知其是不爲偏執也如是將意
見不期融而自融不期平而自平矣若乃自
責則輕以約責人則重以周所愛則併其瑕
而瑜之所憎則併其瑜而瑕之在事之人既
然持議之人復然如水濟水如火濟火是化
君子而小人化一家而敵國也舉兩下有限
之精神盡爲各人區區之體面用而不爲君
父之宗社生靈用豈不惜哉顧公之言如是
蓋爲其時之君子言之也是豈有私于朋黨
者哉愈趨愈下遂至懸絕必使其身無近于
黨人之所爲卑者舍其勢利高者化其意見

亦庶乎其可矣

○○平論一 有序

平論者平已之情以平人情之不平宣之于口爲是非誌之于心爲好惡騰之于衆爲毀譽施之于事爲賞罰是非好惡毀譽不平則風俗亂于下賞罰不平則朝廷亂于上此四者相因而成故吾之文亦連類而互見

今日某某然必有起而不然之吾不然其不然彼將亦不然吾然今日某某不然必有起而然之吾然吾不然彼遂亦然其然是故天下之是非嘗相半則吾

之是非有時窮然則奈何曰必衷之以聖人之說聖人之說如權衡物有大小輕重以權衡之各如其數而止來吾之昆弟詔之曰吾父以某某爲是某某爲非也必曰唯揖伯叔于庭而諗之曰唯否出而詡于其鄰人必曰否吾之父未嘗如此是非也聖人之說不足以厭非聖人之徒則聖人之是非又窮然則奈何曰莫如跡其說而攻之毋務勝之以吾說凡說之偏必有所蔽見于徑者蔽于庭見于奧者蔽于竈循其端而披其所疵則其首尾必有所不通吾格其

不通則彼之是非屈言理者猶談天然一人以爲天
之外有天吾易乎辨之一人以爲天之外無天吾亦
易乎辨之故辨理如搏虛然則奈何曰是必有以實
之實之何如曰古之人不朽者三曰立德曰立功曰
立言且夫古之人不言而功德立未有無德與功而
徒言者功德不立言雖美而弗是也吾以是平之

丘邦士曰文格古

溫伯芳曰奇恣飄忽最是文家神技老泉六
經穎濱老子論是其一班

方密之先生曰筆力矯健真作史之才

○平論二

匹夫而好人惡人其好不足恃而惡之無所害使一旦操賞罰之柄則一人之意足以治亂天下而有餘故欲善賞罰之道者必先平好惡吾嘗觀好惡之所以不平其故有五一日性悖一日習慝一日眩于目一日驚于耳一日域于智之所不知是故能反乎此五者則好惡平矣惡賢而好不肖性悖者也好其所親近焉而已習慝也有善不能擇擇而不能善者耳目之過好惡其所知而不能擴其所不知以已量人

者域于智也。且夫吾之于人，必有所好惡于其間，則將入乎五者而不能以自揀，是故反乎此五者，奈何？性悖之人，謂之天殃。天殃者，千萬之中，不可一二見。習慝奈何？邦云：治並處各有實際下手。非聖之書，不敢奉；非義之士，不敢親。吾計

之古，吾之好惡，于是焉。法之吾，諷之。今之賢，吾之好惡，于是焉。衷之潔，其好惡之宅，則其來也。有以應之，而不亂眩于目，奈何？砥砭之石，其光磷然，人或以爲瑤璞而不琢，則直之矣。故能諂吾之目，吾則好之；不能諂吾之目，吾則惡之。雖之處囊也，其穎立出，襜劔

張弓雖有長技不得見是故必謹持其所諂毋忽其所不足驚於耳奈何十人譽之則吾不敢惡十人毀之則吾不敢好且夫好惡者必慎于所先入先者主之後者奴之殉其虛必喪其實執其先必距其後域于智奈何一人之智匹十人絜以百人則謫矣智匹千人萬人絜之又謫矣故守一人之智者必愚一人之好惡出于性焉性則懼其悖也因于習焉習則懼其慝也用目則眩用耳則驚也其何敢以吾爲然四者免矣懼智之所域也其何敢以吾爲然

丘邦士曰局排而別語琢而秀似荀韓諸子
中一篇文字

溫伯芳曰章法句法字法無所不備

梁公狄先生曰本是誠意致知平實道理却
以奇文出之競爽爭流令人應接不暇○四
論以平命名而文字篇各一格極力不平故
是文人狡猾亦最善出脫理學徑遂者

○平論二

是非定則好惡正好惡正則毀譽平矣雖然毀譽有道畫姝麗者必極天下之衆畫鬼怪者必極天下之醜非德于姝而讎于鬼以爲否則不足成吾畫是故譽人者腴其骨而毀人者瘠其肉蓋必如是然後可以成其毀譽之說而已天道善善而惡惡聖人之道善善長而惡惡短故君子有譽人而無毀人與其失諸毀寧失諸譽請言譽者毀能賊人譽亦能賊人善毀者如飲之瞑眩之藥不善譽者如餉炮炙有毒焉

腊其中而不覺也。是故以譽之不平爲恐失已者小也。譽人而失已他日吾有譽人不我信而止又其甚則吾不自信終其身不敢譽一人而止大賢之人知爲善而已故其于毀也喟然從而譽之也喟然中材之人其始也歆于善毀焉則輟矣曰是則然烏乎然爲之或譽則輟焉曰苟能然然且足矣雖然士之伏于蓬蒿也吐口而言莫或然之刻躬而行莫或先之然底節不棄好學而善下蠢然公卿之上復過拂衆則莫之敢京何前後之戾也。此無他富貴者人所不

此竹而譽之者衆也

丘邦士曰側破譽邊有見

門人楊復晉曰文有鏡峭之氣而筆力運轉
於內

○○○平論四

古今賞罰未有一成而不變者故平賞罰者平其義而已矣先賞後罰奈何不怙之以恩而蹈以威則從我者懼而解固然如石之脫不可合也是道也其在造國先罰後賞奈何國媮民玩不摘其桀不可懼也先之以賞是以水濟水也迄其後而求之則棄前惠怨黷生是道也其在亂國賞克厥罰奈何天下聶然大兵不興大獄不作大役不發于是乎挾網而疏之天下不弛是道也其在治國罰克厥賞奈何國可弱

不可亡民可換不可叛也峻法以勅之毋敢作亂是道也其在衰國疑賞疑罰奈何賞疑則從重罰疑則從輕是道也仁主以之功同而賞異罪同而罰異奈何不能者生民心其能者有機焉以操天下之智勇非賞罰之平也是道也權主以之數賞而不勉奈何國無綱紀臣不共君民不畏吏干賞則往如徇市傭可以緩不可以急是道也闇主以之數罰而不憚奈何君以微爲明吏以多殺人爲能民習撻掠視斧鑕若未邦不護其生慄而思動可以戰不可以守是道

也。驚主以之一舉而已。功則賞之。有罪議罰。奈何。功大從賞。罪大從罰。或薄其賞以塞其罰。是道也。厥謂以大蔽小。罪則罰之。有功議賞。奈何。緩則從罰。急則從賞。或薄其罰焉。售之可也。是道也。厥謂以急易緩。親儼于罰。奈何。可議者議之。不可議者不以親儼法。是道也。厥謂以公滅私。儼于賞。奈何。賞之而已矣。是道也。厥謂以直報怨。賞蒞于親。罰蒞于讎。奈何。吾無忤於吾心。斷之可也。違其跡焉。不可。或虞其時焉。皆之可也。是道也。厥謂以義制事。賞盡則恩窮。罰盡

則威窮大賞大罰不可以輕用也故摩世者必先之
小賞小罰以持其心是故善用罰賞者留有余驟賞
奈何賞極而不盈是謂大受驟罰奈何誅不待教是
謂大慙驟賞其魁則不足賞已驟罰其魁則不足罰
已當賞而財絀奈何吾罰其不用命者則用命者榮
矣是之謂以不罰爲賞或曰非嗇之也豐之以情故
仁人之言溫於績績富於車馬詩曰非女之爲美美
人之貽是道也以之當罰而勢絀奈何吾賞其用命
者則不用命者愧是之謂以不賞爲罰或曰謹持其

禮以正之。則人不敢犯也。故仁義可以爲干櫓尊俎
之間折衝易曰。威如之吉。反身之謂也。是道也。以之
弟和公曰。分畫條列於古今。賞罰經權得失
之故。無不詳盡透切。而高典樸茂。卓然三代
之文。

危習生曰。文如精金百鍊。然鈴錘之迹盡化。
但見一片寶光。使人驚戀耳。真絕構也。

○○地獄論上

或問佛說地獄有之乎。魏子曰：吾不知佛爲何如人。其說地獄，不停於聖人，無惑也。曰：然則聖人何以不言？曰：前之聖人未言，後之聖人言之，何必同？且夫孔子作春秋，以匹夫賞罰天下，諸侯大夫譏貶天子事，皆出于創說，使非聖人爲之，則衆人懼矣。古之聖人言上帝后土、鬼神善惡禍福感應之事，甚備而佛氏衍而象之，其何怪焉？且子亦知地獄所以說乎？三代以上，禮明刑，牛君相治於上，百姓安於下，故鬼神無

所事、賞、罰、及夫世衰刑賞亂善惡淆人心鬱而不平
或惡極罪重考終以死又或一死不足以償罪天下
之人以爲禍福者事之適然不必其善禍而惡禍也
于是善無所勸而惡無所懲子不見夫宋子業趙石
虎之殺人乎不見夫曹操劉裕華歆秦檜崔立蒲受
畊之奸賊乎曹操華歆杖殺伏后劉裕弑甘心釋讓
之恭帝秦檜陷岳忠武金哀宗在歸德
而崔立送兩宮諸王赴青城蒲受畊開泉州城殺宋
宗子數萬此數事爲古今奸賊之最特舉以例其餘
不見夫隋楊廣金完顏亮之淫逆乎國家之法至于
凌遲止矣其而門誅又甚而赤族止矣今夫剛狠之

人○慙○不○畏○死○殘○忍○之○人○則○立○視○其○父○母○子○姓○之○死○不○
以○動○其○心○而○又○門○誅○赤○族○之○刑○濫○而○無○當○也○是○故○人○
莫○痛○于○身○受○極○刑○刑○莫○慘○于○求○死○不○得○求○死○不○得○莫○
甚○于○死○可○復○生○散○可○復○聚○肉○血○糜○爛○可○成○體○以○展○轉○
于○刀○鋸○鼎○鑊○之○中○百○千○萬○年○而○無○有○已○極○于○是○干○請○
賄○賂○無○所○謀○忤○子○慈○孫○不○能○代○惡○報○極○于○其○身○株○連○
不○及○于○一○人○嗚○呼○至○矣○盡○矣○無○以○復○加○矣○于○是○而○生○
人○不○平○之○心○始○平○于○是○而○人○勸○人○懲○

兄善伯曰以門誅赤族洗發地獄之善真是

創論確論至論妙論足空千古作者

○○地獄論中

三代以下刑賞不足以懼人於是孔子作春秋以名
懼之曰汝弑汝君與父而爲帝王極富貴擅威福天
下頌神聖而書之於策則億萬世亂臣賊子之名不
能去夫名之爲說可以動天下之智者而不可警天
下之愚人與羈縻天下之智而蕩軼非常之人何則
愚者見目前倡優盜賊爲其實安其名不之耻也蕩
軼非常之人則以名者身後之事吾有知乎爾吾無
知乎爾且吾有身耳名強而命之天下姓同名同何

必其是我天下無姓同名同者亦何必其是我不勝
私慾之忿則曰不能流芳亦當遺臭嗚呼彼固不嫌
以亂臣賊子自居矣苟執是人而刀之鋸之鼎之烹
之則未有不叫號哀痛慘切而求免也不能刀鋸鼎
烹之于其生而刀鋸鼎烹之於其死是故刑賞窮而
作春秋筆削窮而說地獄也

溫伯芳日文特勁悍末二語如天柱地維

兄善伯曰推出大聰明人放肆無忌不顧名
義一段心事如見肺肝真有描風鏤影手段

地獄論下

余篤信地獄爲事理所必有而誦經崇佛消災滅罪之說爲事理所必無蓋崇佛可以滅罪則勢力之家不妨窮兇極惡但出其十一之資即可免罪是閻羅王祇同畏勢徇情之庸吏而佛乃護黨好諛干請關說之豪紳小人恃此益敢爲惡如豪貴子弟倚父兄親黨爲害鄉里事敗當有救書至也世之愚夫愚婦惑此不小若果是佛意則佛且當首坐地

獄中一席矣余嘗疑佛經多出譯者其語意未員處當是弟子尊師之過或借以聳人聽從布施可期流通易廣而不知其流弊至此然執此以廢地獄之說則又所謂懲噎而廢食者懺云未作之罪不敢更作已作之罪願乞消滅此則善於言修齋誦經者矣自記

或曰佛未至中國三代以上曾無一人入地獄者後世死而更生言地獄事非誕則狃於習聞妄生神識耳魏子曰漢唐以前狐突見共世子荀偃訟厲公亦

既徵其事矣。且卽以爲自古無之。三代以下可造。而
有何以明之。天下之事莫不自無而之有。天地何始。
未始以前無天地。萬物何生。未生以前無萬物。人浴
而振衣。豈有蚤虱哉。久則蚤虱生。又久之而蚤虱死。
牡長子孫。今人自無蚤虱。以有蚤虱而卒。不怪者。習
於常也。末世賞罰失措。人心憤結。則必有鬼神焉。以
洩其不平。久之而人之耳之所聞。有是焉。心之所思。
有是焉。感恩讎。讎祝而詛者。有是焉。於是而地獄成
矣。蜣螂之轉丸也。丸成而精思之。有變而白者。存丸。

中治金丹者晝夜精思而神丹生於虛器故曰心能生氣氣能致精精能成形而或曰鬼無形也庸可執而朴乎易曰精氣爲物游魂爲變是故知鬼神之情狀夫有狀則有形有情則有識有形則可拘而制有識則可疾而苦予不見夫夢乎夢無形也夢人鞭之則夢中之身痛焉夢食珍美味則夢中之口甘焉夫以形制形故人治人以無形制無形故鬼治鬼辟猶馬鳴雀叫人不得通而彼雀馬則能通之鳥翔空中人不能闢鳥則闢之是故鬼可執而朴矣或曰佛

說地獄惡人不息說之無益明矣曰夫子作春秋而後世亂臣賊子不止則亦將曰春秋可無作耶是故地獄之說戒殺生之說吾謂可補前古聖人所未及

兄善伯曰從無証有確確可據思理最精最微而言之顯淺人人可悟讀此乃知徒謂借地獄以警人者猶庸人之見也

弟和公曰吾兄信地獄爲必有崇佛滅罪爲必無儒者則惡其不經非正學明道之言釋氏則惡其謗法塞衣食布施之路此論出而

儒釋俱拒爲門外漢矣然生不償罪死必極
償又決非修齋誦經可免自是千古至論真
有見於天地之心不悖聖人之意者不儒不
釋之間吾兄自有此等力量獨立不懼可以
質鬼神而俟百世也

地獄補遺論

余覽釋氏所論地獄有鞭撻剜割舂磨毒蛇猛獸水火之刑大約皆不忠不孝傷人害物生而王法不足蔽其辜故死報以極刑使之慘痛于其身而悔于其心獨疑有所謂黑暗屎尿地獄者不知其何所處也以其罪有害于人耶則不若鞭撻剜割之痛以其罪尚無害于人耶則青災可肆赦矣然則是獄也實處于無罪有罪之間天下亦安得若人而居之吾嘗觀學士大夫被服詩書吐納道德亦既斐然成章居之

不疑矣子弟以此奉其父兄門人以此報其先生僚屬以此貢其長吏朋友以此贈其交游著書立說精微汗漫布于海內取古人之能事被于己之身而取己身所隱痛深病入于骨髓而不可療者鯁鯁然大聲疾呼以鍼砭天下之人而自鳴其無病于是好名者靡然從之貞脩之士亦側耳延頸以庶幾其或遇然間執其鄉里負販之夫左右近習僮使不識字之人而問之則與向者書冊所見士君子所稱譽蓋已較若水火而不相蒙且夫人不可爲盜蹠而已矣不

必其盡爲伯夷日中而趨于市明明持斗粟疋布以
爭尺寸之利此商賈之行亦聖人所不禁王法所不
議也今入市而爭利以爲此古者納價觀風之遺意
市散而退曰我伯夷之廉也其黨之譽之則且以伯
夷爲潔身之常事必推而進之卞隨務光之列而負
販僮僕之公論卒不能勝士君子之文章夫商賈冒
伯夷初未嘗害于人也國家之律例亦未嘗有此罪
而人之見之則忿然興不平之心若殺越人于貨者
之可仇恨嗚呼是可以識天地鬼神之情矣初、六、一〇、語、道、理、極、大、文、字、極、高、蓋嘗論

之王法所不議者。地獄所不加鞭撻剗割之刑。既不可施諸其身。而其罪又終不可以赦。則必求乎未嘗慘痛而生入。一日所難堪者。使之處乎其中。幽優嘔穢以償其詐僞之高名。而庶幾其本心之動。此黑暗屎尿之獄。所爲不可已也。入乎此者。其文章一日未毀譽之者。一日未絕其名。一日未滅。則此獄終不可以一日出首。楞嚴曰。賊假衣服。裨販如來。嗚呼。今之裨販孔孟者。竟何如也。

兄善伯曰。嚴刑峻法之際。却溫柔敦厚一唱。

三嘆議論精奇固不必言

門人曾彝曰黑暗屎尿卽令初無此獄鬼神
有知當特設以待欺世盜名之人今此獄旣
具則爲此種人入之亡疑矣文中擢筋剔髓
毛髮畢見是以菩薩心腸現閻羅王相者可
與續續朋黨並讀有關名教不小